

什邡縣志卷一

星野志

史記秦地於天官東井輿鬼之分野也南至巴蜀廣漢晉書天文志自畢十二度至東井十五度為實沈於辰在申魏分屬益州通志成成都屬井鬼之分入參一度今什邡西北距成都西北準天度言一百二十里當觜參之次於辰在申以中州論廣漢土地譜云高帝置廣漢郡今成都領十縣上應十支通夷在戌陽泉在亥南安在子涪流在丑梓潼在寅五城在卯新都在辰資中

什邡縣志

卷

星野

一

在巳犍為在午什邡在酉考天文度數觜五分參十一度什邡在酉以廣漢論分野當在觜參之間宮度占觜第五分末分末一杪弱及參一度初一分之第一

杪強

舊志

謹按什邡隸成都接壤漢彭天文井宿分野縣舊志以什邡距成都一百二十里分野觜第五分之末參一度之初蓋沿四川舊通志誤引史記漢書觜觶參益州之文以為成都府屬井鬼之分入參一度不知成都地在坤維約值參井之間而天文

分野則當井宿之分揚雄所謂沃野千里上稽乾
度則井絡儲精下按地紀則坤宮奠位後人或以
地維與星野混而紀之者誤也史記天官書首叙
三垣二十八宿星象占驗次及五緯日月七政交
互占驗次及妖祥諸星占驗次及雲風占驗終之
太史公論贊略及分野之說文義井井通志所引
本天官七政一段中間參入角亢氐兗州房心豫
州尾箕幽州斗江湖牽牛婺女揚州虛危青州營
室東壁井州奎婁胃徐州昴畢冀州觜觶參益州

東井輿鬼雍州柳七星張三河翼軫荊州數語於
前後日月五星文義敘次既相隔絕又與總論內
分野之占不盡合其爲後人竄入顯然無疑漢書
天文志撫拾天官於列宿及五緯之後沿襲竄簡
十二州并以日月甲乙諸期與總論分野之說雜
爲一段足見其疎至其地理志輯論所著謂秦地
於天官東井輿鬼之分野其界自宏農故關以西
京兆扶風馮翊北地上郡西河安定天水隴西南
有巴蜀廣漢犍爲武都西有金城武威張掖酒泉

敦煌又西南有牂柯越巂益州皆宜屬焉自井十
度至柳三度謂之鶉首之次秦之分也魏地觜觶
參之分野其界自高陵以東盡河東河內南有陳
畱及汝南之召陵滎疆新汲西華長平潁川之舞
陽鄆許僞陵河南之開封中牟陽武酸棗卷皆魏
分也徙都大梁故魏一號爲梁然則觜觶參晉魏
分非益州明矣蓋班固於地理志特爲精詳而疎
於天文僅割裂史記參錯成篇故不免沿其竄入
之文彼此抵牾而後世分野之說亦往往因之又

或漢改梁州爲益州而魏晉亦號爲梁註史記者
因遂以魏晉之梁屬益州繫以分星竄入天官此
其所由誤與今考明史天文志畢七度至井八度
實沈之次屬山西井九度至柳三度鶉首之次屬
陝西四川雲南此足以訂史漢及舊通志之誤矣
嘉慶壬申春二月知縣紀大奎謹識